

# **REFERAT AIA - Aningaasaqarnermut Inuussutissarsionermullu Ataatsimiititaq d. 22-11-2021**

**Mødedato** Mandag d. 22. november 2021 kl. 18:00

**Mødested** Kommunalbestyrelsep ataatsimiittarfia

# Indholdsfortegnelse

|                                                                      |    |
|----------------------------------------------------------------------|----|
| Saqqaa.....                                                          | 3  |
| Oqaluuserisassat akuerineqarneri.....                                | 4  |
| Ineqarneq pillugu naammagittaalliuuteqartarfimmik pilersitsineq..... | 5  |
| Iserit A/S-imut taarsigassarsititsineq.....                          | 9  |
| Taasariaqartut allat.....                                            | 11 |
| Imaqarniliap akuerineqarnera.....                                    | 15 |

# Punkt .: Saqqaa

## Ilaasortat

Charlotte Ludvigsen (IA) *siulittaasoq*

Justus Hansen (D)

Juaaka Lyberth (IA)

Uju Petersen (IA)

Ken Madsen (N)

Peter Davidsen (S)

Inga Dóra G. Markussen (S)

## Beslutning

Ataatsimeeqataasut:

Charlotte Ludvigsen, Juaaka Lyberth, Uju Petersen, Peter Davidsen.

Oqarasuaatsikkut:

Justus Hansen, Ken Madsen, Inga Dóra G. Markussen.

## **Punkt .: Oqaluuserisassat akuerineqarneri**

### **Beslutning**

Inassuteqaat amerlanerussuteqartunit akuerineqarpoq.

# **Punkt 1: Ineqarneq pillugu naammagittaalliuuteqartarfimmik pilersitsineq**

## **Beslutning**

Inassuteqaat akuersissutigineqarpoq.

## **Bilag**

Ineqarneq pillugu naammagittaalliuuteqartarfimmut ileqqoreqqusaq

## **Ineqarneq pillugu naammagittaalliuuteqartarfimmik pilersitsineq**

Attartortut naammagittaalliuuteqarnissamat periarfissaqarnissaat pillugu pilersitsineq

Aalajangiiffigisassaq

EMN-2021-16382

Suliffeqarfimmut Kiffartuussivik - kommunaldirektøri Ole Jakobsen / OJAK

### **Suliassamik eqikkaaneq**

Kommunip inissiaatai Iserit A/S-imut aamma Nuuk City Developmentimut tunniunnerini Ineqarneq pillugu naammagittaalliuuteqartarfiup Naalackersuisunit pilersinneqartup tungaaniit oqaatigineqarpoq inissiat tunniussinermi kommunip inissiaataatut isigineqarunnaassasut taamaammat attartortut ineqarneq pillugu naammagittaalliuuteqartarfimmut naammagittaalliuuteqarsinnaajunnaartut. Suliani inissiaq pisortanit pigineqanngippat tamatigut ineqarneq pillugu naammagittaalliuuteqartarfimmit suliat suneqartassanngillat. Taanna ima paasisassaavoq kommunip imaluunniit Namminersorlutik Oqartussat inissiaataannik attartortut kisimik Ineqarneq pillugu naammagittaalliuuteqartarfimmut naammagittaalliorsinnaatitaapput. Namminersorlutik Oqartussat inissiaatileqatigiiffiutaat Illuut A/S aqutugalugu attartortut aamma naammagittaalliuuteqarsinnaatitaanngillat.

Tamanna tungavigalugu Iserit A/S aamma Nuuk City Development A/S aqutugalugit attartortut pillugit kommunimi Ineqarneq pillugu naammagittaalliuuteqartarfimmik maanna pilersitsiniartoqalerpoq.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamat inassuteqaatigaa:

- ineqarneq pillugu naammagittaalliuuteqartarfimmik Kommuneqarfik Sermersuup inissiaatini attartortittagaanni Iserit A/S-imut Nuuk City Development A/S-imullu tunniunnerisa nalaanni attartortut naammagittaalliuutaannik tunniunneqartunik suliarinnissinnaasumik pilersitsineq akuersissutigineqassasoq
- ineqarneq pillugu naammagittaalliuuteqartarfiup ileqqoreqqusassaasut siunnersuut ilanngunneqartoq akuersissutigineqassasoq
- Iserit A/S-imi aamma Nuuk City Development A/S-imi immikkut ittumik ataatsimiigiaqqusineq akuersissutigissagaat matumani aalajangiussa q nalunaarutigalugu aamma akuersissutigineqassasoq
- immikkoortoq 3 malillugu ataatsimiigiaqqusineq ilimasaaraluni pisariaqanngitsoq pissasoq
- kommunaldirektørip Ole Jakobsenip ataatsimiinnermi peqataassinnaatitaanermi pigineqataasoq sinnerlugu taasisinnaatitaanini atorsinnaagaa akuersissutigineqassasoq
- ineqarneq pillugu naammagittaalliuuteqartarfimmi siulittaasussamik kiisalu siulittaasumut sinniisussamik toqqaanissamat kommunaldirektøri pisinnaatinneqassasoq
- ineqarneq pillugu naammagittaalliuuteqarfimmi allatseqarfik pilersinneqassasoq sulisulersorlugulu
- suliaq inaarutaasumik aalajangiiffigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Kommunip inissiaatai Iserit A/S-imut aamma Nuuk City Developmentimut tunniunnerini Ineqarneq pillugu naammagittaalliuuteqartarfiup Naalackersuisunit pilersinneqartup tungaaniit oqaatigineqarpoq inissiat tunniussinermi kommunip inissiaataatut isigineqarunnaassasut

taamaamat attartortut ineqarneq pillugu naammagittaalliuuteqartarfimmu  
naammagittaalliuuteqarsinnaajunnaartut. Tamanna tunngavigalugu Iserit A/S aamma Nuuk City  
Development A/S aqutigalugit attartortut pillugit kommunimi Ineqarneq pillugu  
naammagittaalliuuteqartarfimmik maanna pilersitsiniartoqalerpoq.

Ineqarneq pillugu naammagittaalliuuteqarfiup ukiumut nalunaarusiaani allaqqasuni  
takuneqarsinnaavoq, Illuut A/S aqutigalugu attartortuniit isumaqatigiinngissutaasut minillugit  
Namminersorlutik Oqartussat aamma kommunip inissiaataanni attartortittakkani attartortut  
attartortitsisullu akornanni isumaqatigiinngissutaasut Ineqarneq pillugu  
naammagittaalliuuteqartarfimmiit aalajangiiffineqartartut. Aaqquissuussap nutaamik  
kingunerisaanik siunertarineqanngikkaluarpoq Iserit A/S-imi attartortut inatsisitigut inissisimanerisa  
allanngornissaat.

Ileqqoreqqusassatut siunnersuutit ilanngunneqartut malillugit siunnersuutigineqarpoq kommunimi  
Ineqarneq pillugu naammagittaalliuuteqartarfik pilersinneqartussa q maannakkut Ineqarneq pillugu  
naammagittaalliuuteqartarfittulli piginnaasaqartinneqassasoq. Tassa imaappoq, Kommuneqarfik  
Sermersuumi inissiani attartortittakkani Iserit A/S-imut aamma Nuuk City Development A/S-imut  
tunniussinerup nalaani attartortuusunit naammagittaalliuutit tunniunneqartut suliarisassallugit,  
aamma naammagittaalliuut Inissianik attartortitsisarneq pillugu Inatsisartut peqqussutaat nr. 2, 12.  
maj 2005-imeersumit tunngaveqarpat aalajangersakkat imaapput:

- 1) Ineqarnermut akiliutinik qaffaanissamik siumoortumik ilisimatitsisarnermi piumasarisat, tak. § 28,  
imm. 2.
- 2) Aserfallatsaaliuineq iluarsaassinerlu, tak. § 45.
- 3) Inissiap iserterfigineqarnerani qanoq issusia, tak. § 47.
- 4) Attartukkami atortut ikkussukkat pitsanngorsaanerillu (atuisinnaatitaaneq), tak. §§ 51 aamma 55.
- 5) Attartortup atukkaminik atuinera (torersaanissamik malittarisassanik unioqqutitsinerit), tak. § 50.
- 6) Atuisinnaatitaanerup allanut tunniunneqarnera (inissianik paarlaateqatigiinneq, attartukkamik  
allanut attartortitsigallarneq aamma attartornermik nangitsineq), tak. §§ 58-62.
- 7) Inissiamit aninermi inissiap qanoq ittuunera (iluarsaassineq nalinginnaasoq), tak. § 77.

Ileqqoreqqusassatut siunnersuummi ilanngunneqartumi takuneqarsinnaasoq naapertorlugu  
Ineqarneq pillugu naammagittaalliuuteqartarfik siulittaasoqarpoq pingasunillu ilaasortaataqarluni.  
Siulittaasoq siulittaasumullu sinniisoq Kommuneqarfik Sermersuumi Aningaasaqarnermut  
Inuussutissarsiornermullu Ataatsimiititami toqqarneqassapput, marluullutillu ineqarnermut  
tunngasunik immikkut ilisimasaqartuussapput imaluunniit inatsisilerinermit kandidatitut  
misilitsinnermi naammassinnissimassallutik.

Naammagittaalliuuteqartarfimmi ilaasorta q tassungalu sinniisoq Kalaallit Nunaanni Sulisitsisunit  
toqqarneqassapput. Naammagittaalliuuteqartarfimmi ilaasorta q tassungalu sinniisoq Sulinermit  
Inuussutissarsiuuteqartut Kattuffiannit toqqarneqassapput. Naammagittaalliuuteqartarfimmi  
ilaasorta q tassungalu sinniisoq inissianik piginnittunit ataatsimut toqqarneqassapput.  
Naammagittaalliuuteqartarfimmut ilaasortaasut sinniisuilu inissiaateqarnermut tunngassuteqartunut  
ilisimasaqartuussapput. Siulittaasumik, ilaasortanik taakkunungalu sinniisunik toqqaaneq ukiunut  
sisamanut atuuttussatut pissaaq.

Siulittaasoq taassumaluunniit sinniisua piginnittuunermit, inissianut imaluunniit attartornermit  
kattuffinnut immikkut attuumassuteqartuussanngilaq imaluunniit inissianik tuniniaasarnermi  
inuussutissarsiuuteqarnermut akulerusimasuussanngilaq. Naammagittaalliuuteqartarfimmi ilaasorta q  
sinniisorluunniit ataatsimiigaaqusaareernermit kingorna ataatsimiigiarnissaminut pisussaataavoq.

Naammagittaalliuuteqartarfik kiffartuunnarlugu aamma naammagittaalliuutit suliallu suliarisarnissaat eqqarsaatigalugit allatseqarfimmik pilersitsisoqassaaq. Allatseqarfiup naammagittaalliuutit tigoortassavai, naliliillutillu sulianik piareersaasiortassapput, naammagittaalliuuteqartarfik kiffartuutissavaa naammagittaalliuuteqartarfiullu aalajangerneri nalunaarutigisarlugit.

#### *Aningaasatigut sulisoqarnikkullu naliliinerit*

Ineqarneq pillugu naammagittaalliuuteqartarfimmi allatseqarfianilu aningaasartuutit tamaasa ukiumut Iserit A/S-imit aamma Nuuk City Development A/S-imit avillugit akilerneqartassapput. Suliassap naammassisarnissaanut ukiumut 1-imiit 1,5 missaani immikkoortitsisarnissaq missiliorneqarpoq.

Ineqarneq pillugu naammagittaalliuuteqartarfimmi naammagittaalliummik suliarinninneq ataaseq attartortumut akitsuut 250 koruuneqarpoq. Naammagittaalliuuteqarnermut akitsuut utertinneqassaaq attartortoq naammagittaalliuutigisamini ajugaaguni, imaluunniit suliaq Ineqarneq pillugu naammagittaalliuuteqartarfimmi suliassaangitsutut nalilerneqarpat.

#### **Inatsisitigut tunngavissaq allakkallu tunngaviusumik uppernarsaatitalit**

- Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

#### **Aningaasaqarnermut allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

#### **Innuttaasunik peqataatitsineq/attaveqaqatigiinneq**

Ilanngussartaqanngilaq.

#### **Ingerlatsivinnit allaniit oqaaseqaatigineqartut**

Ilanngussartaqanngilaq.

#### **Ilanngussaq**

1. Ineqarneq pillugu naammagittaalliuuteqartarfimmut ileqqoreqqusaq

## **Punkt 2: Iserit A/S-imut taarsigassarsititsineq**

### **Beslutning**

Inassuteqaat amerlanerussuteqartunit akuersissutigineqarpoq (Inuit Ataqatigiit aamma Naleraq) .

Inassuteqaatit ikinnerussuteqartutit itigartitsissutigineqarput (Demokraatit aamma Siumut).

### **Bilag**

Erniaqanngitsunik akilersugassaanngitsunillu taarsigassiinissamut neriorsuut

## Iserit A/S-imut taarsigassarsititsineq

Kissarneqqortuunnguami sanaartornissamut pilersaarut

Aalajangiiffigisassaq

SagsID.: EMN-2021-16238

Suliffeqarfimmut Kiffartuussivik - Kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- Iserit A/S-imut 20 mio. koruuninik akisussaassuseqartumik taarsigassarsiatut aningaasaliissuteqarfialugit 2025-mi tunniunneqartussanngorlugit taarsigassarsititsinissaq akuersissutigineqassasoq
- Taarsigassarsiat ukiuni 20-ni erniataqanngitsumik akilersuinertaqanngitsumillu taarsigassarsiaritineqassasut, tamatuma kingornagut ukiuni 20-ni pisartagaqarnermut naapertuuttumik ukiumut 3 procentimik ernialerlugit
- suliaq akuersissutigisassanngorlugu Kommunalbestyrelsimut ingerlateqqinneqassasoq

### Suliassamik saqqummiussineq

Kommuneqarfik Sermersuup aamma Iserit A/S-ip akornanni illoqarfiup ilaani immikkoortoq pilersaaruteqarfiusumi 1A15-2-mi sanaartornissamut pilersaarummut taarsigassarsiasanik 20 mio. koruuninik atugassiisoqarnissaanut isumaqatigiissusiortoqarsimasoq allaffeqarfimmit paasineqarpoq. Isumaqatigiissut 2022-mut missingersuutini missingersuusiorfimmi 2025-mi ilanngullugu naatsorsorneqarsimanngilaq.

Allaffeqarfiup innersuussutigaa 20 mio kr.-it Iserit A/S-imut taarsigassarsiaritineqassasut akisussaassuseqartumik aningaasaliissutitut taamaasilluni Iserit A/S-ip akiliisinnaassusia avatitsinnut pitsanngorsarneqassamat.

Taarsigassarsiat ukiuni 20-ni erniataqanngitsumik akilersuinertaqanngitsumillu taarsigassarsiaritineqassasut, ukiuni 20-ni pisartagaqarnermut naapertuuttumik ukiumut 3 procentimik ernialerlugit. Kommunalbestyrelsip una akuersissutigippagu, ilanngussa 1 taamaasilluni iluarsineqassaaq.

### Ingerlatsivimmit aningaasatigut sulisoqarnikkullu naliliinerit

Taarsigassarsinissamik akuersissut 2025-mut missingersuutinut ilanngunneqassaaq.

### Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup nalilerpaa aningaasatigut naapertuunnerusumik aaqqiissutissaq tassaasoq, taarsigassarsiat ilimagisamik 2025-mi atuutilersitsinissami atukkiunneqarpata.

### Inatsitigut tunngavissaq allakkallu tunngaviusumik uppersaatitalit

Soqanngilaq.

### Ilanngussa

1. Erniaqanngitsunik akilersugassaannngitsunillu taarsigassiinissamut neriorsuut

## **Punkt 3: Taasariaqartut allat**

### **Beslutning**

Ilisimatitsissutit amerlanerussuteqartut, IA, N aamma D, tusaatissatut tiguaat.

Ikinnerussuteqartutut Siumumit oqaaseqaat: Siumumit Borgmesteri tatigineqarunnaarpoq, borgmesterillu tunuarnissaa piumasaralugu. Tamatumunnga pissutaasoq allakkiami, Siumut kommunalbestyrelsimut nassiusaani, atuarneqarsinnaavoq.

## Pissusissamisuunngitsoqarneranik killiffik

Ilisimatitsissut

SagsID.: EMN-2021-16426

Suliffeqarfimmur Kiffartuussivik - Kommunaldirektøri Ole Jakobsen / OJAK

### Inassuteqaat

Suliffeqarfimmur Kiffartuussiviup Aningaasaqarnermut Inuussutissarsionermullu Ataatsimiititamat inassuteqaatigaa:

- suliat taaneqartut pillugit killiffik tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

### Suliassamik saqqummiussineq

Allaffeqarfiup piffissami kingullermi ilisimasaqarfigilerpaa, suliani arlalinni politikikkut akuersissutigineqarsimanngitsuni naapertuutinngitsoqartoq. Allaffeqarfimmi suliani aalajangersimasuni suliniuteqarluni maannakkut aallartippoq, taamaammat sulianik allani saqqummertoqarsinnaanera naatsorsuutigineqartariaqarpoq. Tamatumunnga tunngatillugu allaffeqarfimmiit ataatsimiititamat Kommunalbestyrelsimullu soorunami paasissutissiisoqarumaarpoq.

Kommunalbestyrelsip marsimi 2019-imi piginnaatitsinermik agguataarinissamat pilersaarut akuersissutigaa, tamatumalu nutarterneqarnera Kommunalbestyrelsimiillu akuersissutigineqarnera kingullermik juunimi 2021-mi pivoq. Piginnaatitsinermik agguataarinissamat pilersaarummi siunertaavoq, Kommunalbestyrelsip, ataatsimiititap aamma allaffiup akornanni pingaarnertut piginnaatitsisarnermi qaffasissutsit malillugit agguataarisarnerit ersarinnerunissaat. Piginnaatitsinermik agguataarinissamat pilersaarummi ingerlatsivinni tamani qinikkanik sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamat piginnaatitaanerinik nalornisoqarsinnaanera pinaveersaartinneqassalluni.

Suliat pineqartut taamaalilluni allaffissornermi killiliussanut Kommunalbestyrelsimit aalajangerneqarsimasunut naapertuutinngillat. Tassani suliat uku ilanngullugit:

- **Nuukullak Manngua 3-mik aamma 3E-mik attartornissamat isumaqatigiissuteqarnek, politikikkut eqqartorneqarsimanngitsoq – isumaqatigiissummi ukiumut nalinga 1.348.760 kr.**

Allaffeqarfimmiit maluginiarneqarpoq, Nuukullak Manngua 3-mut aamma 3E-mut attartornissamat isumaqatigiissummut tapiliussaqaq inissianut 64-inut tunngasoq politikikkut eqqartorneqarsimanngitsoq. Attartornissamat isumaqatigiissut 22. januaarimi 2019-imi atsiorneqarpoq, taamanikkut kommunaldirektøriusoq aamma taamanikkut sanarfinermut avatangiisinullu ingerlatsivimmi pisortaasoq atsiortuullutik. Taannalu tamatuma kingorna politikikkut eqqartorneqarpoq, Aningaasaqarnermut Inuussutissarsionermullu Ataatsimiititamat akuersissutigineqarluni ulloq 10. juuni 2021.

- **Manguaraq 35-mik attartornissamik isumaqatigiissut politikikkut suli eqqartorneqanngitsoq pivoq – isumaqatigiissummi ukiumut nalinga 4.081.572 kr.**

Inissiat 66-it B-4135 Manguaraq 35-miittut pillugit attartornissamat isumaqatigiissusiorfigineqarsimaneri tapiliussaalu politikikkut oqaluserisassanngortinneqarsimanngitsut allaffeqarfimmiit maluginiarneqarpoq. Suliami Sarfaarsunni tårn 2-mi inissiat pineqarput. Sarfaarsuit ApS attartortitsisuuvoq. Attartornissamik

isumaqatigiissut 4. januaari 2019-imi pivoq, taamanikkut kommunaldirektøriusoq aamma taamanikkut sanarfinermut avatangiisinullu ingerlatsivimmi pisortaasoq atsiortuullutik. Suliaq tamatuma kingorna politikikkut eqqartorneqarpoq, Aningaasaqarnermut Inuussutissarsiornermullu Ataatsimiititami akuersissutigineqarluni ulloq 24. juuni 2021.

- **Taarsigassarsinissamik Iserit A/S-imik isumaqatigiissuteqarneq, politikikkut suli eqqartorneqanngitsoq – 20 mio kr.**

Kommuneqarfik Sermersuup aamma Iserit A/S-ip akornanni illoqarfiup ilaani immikkoortoq pilersaaruteqarfiusumi 1A15-2-mi sanaartornissamut pilersaarummut taarsigassarsiassanik 20 mio. koruuninik atugassiisoqarnissaanut isumaqatigiissusiortoqarsimasoq allaffeqarfimmit paasineqarpoq.

Tamatuma kingornatigut allaffeqarfiup isumaqatigiissut siuliani taaneqartoq 2022-mut missingersuutiniinngitsoq paasivaa. Taamaattumik allaffeqarfiup innersuusstuigivaa attartortitsineq akisussaassuseqartumik aningaasaliinertut 2025-mi akilerneqartussanngortinneqassasoq. Suliaq Aningaasaqarnermut Inuussutissarsiornermullu Ataaatsimiititami ulloq 22. novembari 2021-mi immikkut ittumik ataatsimiinnermi politikikkut suliarineqartussaavoq aamma Kommunalbestyrelsimi ulloq 23. novembari 2021.

- **PJ management-imik isumaqatigiissuteqarneq – 2.780.000 kr. aamma taarsiiffigineqarsinnaaneq ilassutillu 6.040.000 kr.**

Sanarfinermut Avatangiisinullu Ingerlatsivimmi pisortaasimasup aamma kommunaldirektøriusimasup PJ Management kipitineqarsinnaanngitsumik isumaqatigiissuteqarfigisimavaat, kommunimi Sanaartornermut immikkoortoqarfiup avatangiisit pillugit suliatigut pitsaanerulersinnissaannik tunngasumik, tassani Sanaartornermut immikkoortoqarfimmi sulisut Iserit A/S-imi sulisutut inissinneqarlutik. Ilaagut sulisut aqqisigut taaneqartut ineriartortinneqarnissaat. Isumaqatigiissut naapertorlugu suliffeqarfik PJ Management sunik suliaqarsimanersoq ingerlatsiviup misissoreerpaa. Misissuinnermi inerniliunneqarpoq PJ Management isumaqatigiissummi allaaserineqartutuut uuttorneqarsinnaanngitsunik taamatut ittunik tunniussaqaarsimangitsut.

Ingerlatsivimmit nalileneqarpoq, PJ Management-ip tungaaniit annertuumik isumaqatigiissut sumiginnarneqarsimasoq, taamaattumillu isumaqatigiissut kommunimit juulimi 2021-mi atorunnaarsinneqarpoq.

Kommuneqarfik Sermersooq suliffeqarfimmut PJ Management ukiuni 2020-mi aamma 2021-mi akiliuteqartarsimavoq, katillugit 2.780.000. kr.-nik. Peqatigitillugulu suliffeqarfiup piffissami pineqartumi suliarineqartut pillugit Kommuneqarfik Sermersooq fakturanik amerlanaarlugit nassittarsimavaa.

Isumaqatigiissutip atorunnaarsinnerata kingunerisaanik PJ Management ApS-ip kommune suliassanngortippaa 6.040.000 kr.-nik taarsiiffigineqarnissani pillugu kiisalu taakku procentinngorlugu ernialerneqassasut suliassanngortitsinnermiit akiliisoqarnissaata tungaanut.

- **Sanaartorfissagissaanissamik isumaqatigiissut – 52 mio. kr.**

Sanarfinermut Avatangiisinullu pisortaasimasoq ulloq 29. oktobari 2020-mi Nuummi inuussutissarsiateqarfimmi, 4A7-2 Mitsimmavik, sanaartorfissagissaasoqarnissaa pillugu qinnuteqarpoq. Sanaartorfissagissaaneq 52 mio. kr.-nik nalilik.

Ulloq 19. aggusti 2021 Aningaasaqarnermut Inuussutissarsiornermullu ataatsimiititaq allaffeqarfimmit ilisimatinneqarpoq NCD-mut sanaartorfissagissaanermik qinnuteqarneq taamaatiinnarneqartoq. Qinnuteqaat taamaatiinnarneqarpoq pilersaarutitut qinnutigineqartoq pilersaaruserneq pillugu inatsimmi paragraf 45a malillugu pineqarmat. Kommunip suleriuserivaa

pilersaarummik piginnittumit pilersaarutitut taamatut ittunik qinnuteqarnermut atatillugu aningaasartuutininik tamanik isumaginnittuusarnissaa, tassanilu sanaartorfissagissaaneq ilaavoq. Pilersaarummik nassuiaat, Kommunalbestyrelsen ulloq 27. augusti 2019-imi akuersissuteqarneranut tunngaviliisuvoq, taanna ima nassuiarneqarmat allaffeqarfik aamma Kommunalbestyrelsen isumaqalersillugit sanaartorfissagissaaneq namminersortunit aningaasaliiffineqassasoq.

- **Politiinut suliassanngortitsineq**

Kommunip ulloq 7. oktobari 2021 Kalaallit Nunaanni Politimesteri qinnuigivaa, peqquserluttoqarsimanera pillugu kommunip suliassanngortitsinera misissuiffineqassasoq. Suliassanngortitsineq pivoq PJ Management-imi isumaqatigiissuteqarneq tunngavigalugu, tassani kommune suliami pinerluttuliortoqarsinnaaneranut tunngaviusinnaasunik naammattuugaqarpoq, isumaqatigiissummi illuatungeriit akuunerannut tunngasut, taakku malersorneqarnissaat pillugu. Københavniimi Politiiit ulloq 12. novembari 2021 peqquserluttuliortoqarnera pillugu suliassanngortitsineq tiguneqartoq uppersarsarneqarpoq.

**Ingerlatsivimmit aningaasatigut sulisoqarnikkullu naliliinerit**

Taakkununga attuumassuteqanngilaq.

**Suliffeqarfimmut Kiffartuussivimmit aningaasatigut naliliineq**

Taakkununga attuumassuteqanngilaq.

**Inatsisitigut tunngavissaq allakkallu tunngaviusumik uppersarsaatitalit**

- Kommuneqarfik Sermersuumut piginnaatitsinermik agguataarinissamut pilersaarut
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

**Ilanngussaq**

Soqanngilaq.

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15:38.